

2425

國朝詞綜

冊六



國朝詞綜卷四十

青浦 王 昶 纂

鄭 雲二十六首

嚴長明二首

徐薌坡六首

韋謙恆一首

施朝幹六首

鄭

雲字晴波號楓人儀徵人乾隆二十七年舉

人三十年

召試

賜內閣中書官至浙

江督糧道有玉勾草堂詞一卷

一枝春吳杏橋先生與同人夜游平山堂步月

看梅繪圖譜詞以紀其實事甲戌春二

月十七日也越六年己卯二三社友謀

續舊游時先生歸道山者星紀四周矣

值予將儼裝北去惜良會之頓遙思前

塵以如夢酒盡更闌爲歌此曲不勝嘆

逝傷離之感云

畫裏江城鎮年來斷素飄零如許盟鷗好在有約玉

樽重舉山空雪老早春滿翠禽啼處翻笑我頻怨黃

昏不共那時風露微吟冷雲深樹悵逋仙跡杳橫

斜誰賦高樓一笛酒醒夢回春去花期過了問何事

又歌南浦看後夜明月天涯照人倦旅

齊天樂 和施小鐵夜坐有述卽用其韻

一珍做宋版印

荷衣銷盡烟江翠相逢又縈愁抱短鬢侵霜孤吟弔  
月燭剪西窗留照長安大道笑夢裏看花醉餘欹帽  
數點棲鴉夜寒枝上倦頻遶清時賦歸自好片帆  
人去遠芳訊還早編紵新歡文章末路賸有天涯同  
調悲歌藉草儘敲碎琴材賞音原少禁漏沉沉馬蹄  
催候曉

又歲晚寄懷再用前韻

鴈風催送燕南雪天涯坐驚孤抱瘦沈腰輕愁潘鬢  
減目斷青山斜照殘年遠道記亂葉隨鞭軟塵吹帽  
賦罷銷魂別腸如繭萬絲遶粧樓幾回夢好寶釵  
頻卜夜應令歸早酒市清笳江城暮笛一種人間悽  
調鄉書細草問開到梅花月明多少有約看春翠烟  
宮樹曉

疎影 和小鐵憶梅依玉田韻

冰崖凍結盼隔年風信猶遲霜雪記得江村幾日新  
晴吹香歲晚時節孤清索共傾城笑向酒伴芳心偷  
說甚薄游誤了花期應悔故山輕別何處春生最  
早曉粧啓玉鏡簪上雲髮倦旅長安遠寄南枝爭似  
殷勤紅葉牕間認影疑還錯又一點新愁癡絕但夜

來相伴微吟夢入楚天明月

徵招瓶中芍藥

亂紅吹碎江南夢愁來惜春難賦底事獨開遲尚芳  
心如許含嬌頻待語儘消得謝郎題句淡碧文牕午  
晴烟暖素蠶深貯舊譜試重尋揚州月當年帶圍  
何處但感別經時遣花期輕誤離情誰贈汝伴婪尾  
一樽孤旅倚闌望路隔豐臺又滿階絲雨

長亭怨慢送金棕亭

甚相見匆匆如此落木秋帆酒闌人起興冷看花茂  
陵今更倦游矣別離情緒流不盡桑乾水底事說重  
來似短夢驚回千里遙指正烟空過雨晚照數峯  
凝紫孤雲鶴背謾贏得舊時行李却笑我送客天涯  
算楊柳前身應是只一點歸心吹入南鴻聲裏

水龍吟 蘆花吳杉亭姚姬傳侍補堂施小鏡同

作

幾番風信催寒絮雲秋帶迴潮捲汀遙港曲草枯沙  
淨波平天遠冷伴鷗眠閑邀鷺立隔江千點記吳楓  
落盡楚蘋開後蕭蕭也斜陽岸吹亂涼烟一片近  
黃昏斷鴻歸晚漁歌漸起月明何處艤船清淺還怕  
飛來野橋衰柳誤人春怨奈天涯倦旅相看鬢色早

霜華滿

琵琶仙 自題霽月下簾圖

人鏡圓秋向花外坐對沉沉空碧河漢不掩微雲涼  
秋淡無色風露晚瑤笙鶴背早吹遞素娥消息寶押  
低垂螺樽淺注依舊今夕問何事幽怨年年但千  
里陰晴共岑寂虛幌夜隣間倚更誰家殘笛頻說與  
江樓昨夢傍玉闌照影凝立爲寫一點新愁海天孤  
白

水龍吟 題施耦堂紅衣釣獅圖

武陵溪畔歸來滿簑花雨胭脂濕輕移短棹盈盈千  
頃一竿搖碧蟹舍秋清鷗家夢遠醉橫霜笛傍蓼汀  
楓岸乘潮欲去添多少斜陽色笑我荷衣待葦泛  
疎萍幾年蹤跡鱸鄉信美天涯愁聽冷紅消息只恐  
塵衫月川烟渚未教閒得倩何人畫取芙蓉江上有  
浮槎客

解連環 寄問梅花消息用白石韻

畫屏愁倚數風纔一信早催春思算幾番吟伴黃昏  
看瑤席吹香靚妝臨水別鶴空山漫贏得月籠烟洗  
甚花期誤了咫尺故園短夢難記高樓碧雲曉霽  
盼音沉遠驛應歎數遺棄試說與幽恨年年怕殘笛江

城翠禽飛至雪滿孤村定開到竹邊松底想歸去夜  
寒帳掩那人正睡

清波引 新柳用白石韻

畫橋烟浦望沙外欲眠屢舞翠眉如許曉粧帶餘嫵  
翦翦數行影待送玉鞍歸去暗風吹綠江城想依舊  
別離處 閒愁付與爲春瘦今更幾度鈿車來否倩  
飛燕傳語新聲動羌管怨入紅樓酥雨怕又香絮飄  
時賺人吟苦

轆轤金井感秋

亂蟬聲裏近黃昏過了一番疎雨小簾空簾便新涼  
如許幽期暗數早天上玉梭催度落葉長安蕭然古  
意繡箋難賦 清愁待誰付與笑文園倚病今又闌  
暑烟水淮南渺斜陽何處芙蓉在否想依舊夜來風  
露斫膽漁灣盟鷗荻港甚時歸去

瑣隄寒秋雨

幾日新晴瀟瀟却聽晚來還又凋紅減綠響在斷蛩  
荒甃捲疎簾孤雲自閒嫩寒坐怯單衣瘦把短檠背  
影相看心事欲憑樽酒 良久西風驟送萬點秋聲  
遠隨滴漏巴山舊約過了黃昏時候渺天涯吹滿鴈  
程峭帆一葉歸去否怕臨窗更有芭蕉夢醒鴉啼後

清平樂

雨闌風定葉落黃昏近燈下候蛩涼入聽又是一年  
秋信 夢回留得茶甘晚花香綴筠籃只少畫屏新  
月夜情都似江南

水龍吟 題王少林桃葉歸舟圖

碧雲日暮飛來一帆秋趁迴潮迴人歸甚處分明看  
似渡江烟艇價抵連城歌傳得寶可憐風韻想柳汀  
楓岸眠鷗有夢還應妬黃昏近 誇說凝粧曉靚小  
橫陳枕樓敲枕柔鄉信美五湖鮭菜便堪偕隱底事  
天涯雨衫塵帽又牽離恨問何時載取青山琴鶴伴  
雙雙影

長亭怨慢

又催送天涯秋信岸柳汀蘆晚來風緊倦客單衣短  
篷深燭照孤影碧雲何處還不似江南近旅雁一聲  
聲解說與當時離恨 誰問問金錢細卜幾度麝鑪  
薰冷黃花瘦了想依舊暗蛩芳徑便此夜夢逐征帆  
怕沙上轆羅霜凝待鏡約重盟歸去絲添吟鬢

轆轤金井中秋風雨

倚樓人遠雁飛來又是好秋時節雨滴空階帶蕭蕭  
林葉憑高佇月問誰解玉簫吹徹客睡何曾歌成水

調暗驚華髮 姮娥夜情更切悵冰奩背影相望愁  
絕便許長圓奈經年離別香殘漏歇想花外夢回瑤  
闕數盡簷聲自掃一庭黃雪

聲聲慢 朝雲之感越五年矣追賦此解以寫我

憂

當花欸月引袖籠香人間幾度芳春夢斷華胥瑤峯  
不駐行雲依然畫梁歸燕帶飛紅吹到啼痕凝思去  
久甚簾波屢響總付前塵 長恨經年賦別奈湘皋  
珮杳此別消魂荏苒星期征衾愁抱黃昏還疑夜牕  
裁剪拍闌干頻喚真真風又起盼留仙何處翠裙

又

殘釵蝕鳳小扇分鸞年年潘鬢傷春一曲庭花冷颼  
吹散歌雲空奩黛螺自綠點霜毫都化愁痕憑寄語  
問飛瓊何事輕墮紅塵 迢遞江南日暮向碧桃溪  
畔招徧離魂宿草埋香消磨燕曉鶯昏如烟幾回抱  
影步姍姍似夢還真歸也未結同心重綰茜裙

月下笛 張玉田山中白雲詞題後

十四橋邊詞仙去後鳳簫何處秦川倦旅自翻來舊  
時譜西泠芳草斜陽外問那日朱門在否奈王孫歸  
晚田荒玉老斷腸空賦 佳句奚囊貯任醉拍紅牙

嘯歌千古江花艷吐綠波誰唱南浦可堪淚濕金盤  
夜忍聽到移宮換羽但極望野雲飛吟對心香半縷

摸魚兒 白髮

甚年來瘦吟人老蕭蕭愁對明鏡情絲不斷楊花夢  
吹作絮雲沾鬢心暗警是幾度懷鄉怨別經春病迴  
燈照影奈試鐺還添頻梳漸短催送曉霜信 歡娛  
地誰與神方駐景鬚眉猶自誇俊青青教染翻成笑  
思媚玉臺粧靚風帽整怕有約登高秋入瑤簪冷鷗  
盟未穩算合向江亭蘋烟荻月搔首賦招隱

長亭怨慢

東華旅寄涉夏逾秋興罷南歸老難

爲別同年施小鍊太常邀同王少林  
司馬置酒相餞來日登車賦此寄意

將有白下之游故篇未及之

乍回首連雲雙闕匹馬西風曉裝催發昨夜傳觴故  
人分手話情切茂陵游倦能幾度長經別秉燭笑相  
看甚近日都成華髮 愁絕只清霜數點掃盡萬家  
殘葉南鴻過了又遲到嶺梅時節算此去穩占鷗盟  
定何處沙平天闊且喚取江帆吟遍六朝烟月

渡江雲

海濱訪舊不遇而歸賦此解嘲明日挂

帆江上矣

軟紅吹夢醒征衣欲換何事戀天涯遠尋鷗鷺約雨  
散風驚海上暮迴槎荒橋斷柳空數盡點點殘鴉羸  
得是漁孃相笑塵鬢老霜華誰家歌筵簇錦酒國  
酣春鎮千金良夜應不管飄零舊恨重訴琵琶離心  
低趁江南雁帶月明飛過平沙歸又晚新愁漸到梅  
花

長亭怨慢 雪後舟中寒望四野賦此遣懷不自  
知其辭之怨抑也

聽沙外流澌聲碎一夜冷颼萬花紛墜曉色篷牕暗  
塵無影淡烟起故山何處渾不辨青螺髻釣艇落空  
濛早畫出江村詩意底事儘鴻泥踏徧歲晚未成  
歸計寒深興淺總輸與剡溪高致尚坐憶昨夢關河  
幾愁老玉壺天地好約取閒鷗吟向梅邊留醉

八聲甘州 積雨兼旬好春將盡屢阻看花之約

益增懷舊之思漫譜此解

盼梁間燕子未歸來憑誰話春愁甚風斜雨驟添寒  
做暝客意如秋聽說西湖昨夜香帶斷紅流烟草迢  
迢碧依舊汀洲早信仙源路杳便夢雲同載不是  
盟鷗問歌裙舞扇何事久勾留儘多情畫橋絲柳怕  
別筵難繫木蘭舟應惆悵最銷魂地殘月朱樓

摸魚兒憶梅圖爲沈既堂賦

帶城陰故家喬木當年春事如許疎疎籬落橫斜影  
人坐雪香深處曾記取伴有味青燈吟達霜天曙添  
來鬢縷算計穩初衣心蘇寸草歸日未遲暮繁華  
地翠館朱樓在否銷沉誰問今古巢痕新掃容棲燕  
還向畫梁傳語須小住看菊徑蘭畦一例成佳趣幽  
懷寄與又夢到闌干月濃烟淡苔老舊時樹

嚴長明

字道甫江寧人乾隆二十七年

召試

賜內閣中書官至內閣侍讀

聲聲慢同人集述菴寓齋

細簾有影畫戟無聲病餘人坐牕虛拈得名花只合  
供向曼殊試看流風迴雪佐清歡那減吳歎何況有  
湘臯佩底遺下雙珠轉眼佳期過七想淡雲影裏  
幾點星疎老我鬢絲禪榻香斷熏鑪因君又牽昔夢  
擬今宵醉臥艷觥更倩取瀉明河添滴箭壺

渡江雲留別長安諸同好

長安何限好雪消雲霽剛值卸鐙初韶光無賴甚纔  
助權筵却又促離駒分襟三度到今番倍覺愁余行  
看取白頭伴侶兩地月同孤征途馬頭風露雁底  
關河算忽忽此去那更省誰家草綠何處花疎歸時

擬趁青溪曲覓水天深處間漁但祇恐舊盟鷗鷺都無

徐薌坡字蘆林青浦人貢生乾隆二十七年召

試二等在武英殿行走早卒

臺城路題邵西樵釀花小圃

幽居獨占平泉勝橋南數弓新闢落豔烟烘藥欄雨  
潤點綴艷陽景色風朝露夕玩嫩紫柔紅輕黃淺碧  
小徑芳華暖雲冉冉護香國塵韁愧我難釋羨抱  
甕青門種瓜仙客鳩杖穿雲鷗鋤月十畝小園間  
適恁時蠟屐待花塢春深璫葩偏折好聽鷗聲柳陰  
同挂笠

又黃雪廊

欄牙低罨扶疎態依依軟條葱翠金粟苞含玉犀朵  
綻滿院幽芬撲鼻藤牀睡起正螢焰燃窗蛩音鬧砌  
一翦輕颺霏霏晴雪點階碎新霜幾樹搖曳想招  
隱淮南小山堪寄雲外香清月中影淡領略閒庭秋  
意晚蟬林際玩露泫枝枝碧陰篩地倚倦吟欄嫩涼  
添半臂

又冷香徑

芳園借取銅坑景幽花漸開窗戶鹿眼編籬鹿胎糝

磴慣惹輕烟薄霧迴廊漫步愛竹外松閒暗香徐度  
約略年時羅浮山下夢中路 枝枝瘦影橫處正門  
掩蒼苔落塞驢客去半塢斜陽一林殘雪中有詩翁尋  
句吟筇小拄逗料峭微風嫩寒幾許滿地疎陰晚檐  
鴉啣樹

又花韻館

亞欄盡曲瓊葩艷枝枝影披鴛鴦帶露嬾娟迎風旖  
旎彷彿玉環中酒綺窗清晝愛花片鋪茵柳絲罥袖  
倚檻涼生霏微宿雨乍晴後 幽芳幾點徐逗正小  
簾疎簾綠陰斜漏不借穿雲偏提醉月美景三春消  
受閒攜野叟儘坐臥芳叢麗詞爭鬥紫醉紅酣聳肩  
吟苦瘦

又妙香亭

凌波髣髴湘妃影翩翻襪羅微步翠蓋低擎碧筒斜  
捲一翦輕颺徐度平鋪淺渚正細葉田田綠陰濃護  
滴瀝菰蒲玉池千柄響疎雨 採蓮舊曲堪譜愛水  
檻風櫺櫺嫩涼滌暑葵簷揮殘桃笙夢斷吹送晚香幾  
縷開紅深處認點點荷錢圓珠瀉露碎蹴蕢痕藕絲  
牽浴鷺

又話雨篷

牽來岸上烟波繞宛然米顛小艇酒慢茶檣筆牀硯  
匣不減天隨吟興筠竿漫整玩鷺浴落磯鷗眠莎磴  
杳杳菱歌藕絲風裏倚蘭聽軒窗溪面倒影愛泛  
宅浮家別開仙境一榻菰蒲半船書畫舊夢瀟湘初  
醒枕流嘯詠似蟹舍漁莊泖湖烟景何日重游柳灣  
移舴艋

韋謙恆

字慎旃蕪湖人乾隆二十二年召試  
賜內閣中書二十八年進士官鴻臚寺少

卿

邁陂塘題述菴先生三泖漁莊

對茫茫層波滑笏湖光清絕如許茶烟微颺孤篷底  
只合釣師爲侶人喚渡看朵朵閑雲淺碧前村吐漁  
燈隔浦想秋到鱸香一聲欸乃聽盡綠蓑雨長安  
道目送飛鴻無數九峯三泖何處白蘋汀畔楓林下  
門鴨撈鰕都悞秋幾度倩半尺吳綾寫出離情苦留  
君小住漫清夢頻牽蛤蜊蚶葉便欲伴鷗鷺

施朝幹

字培叔號小鐵儀徵人乾隆二十八年進

士官

至宗人府府丞有正聲集四卷詞附  
琵琶仙侍補堂疾愈依韻賦此

簾捲孤雲記前度倚檻槐陰吹碧隨意清嘯斜陽飄

飄又萍跡愁不斷西風易起况懷舊慣題瑤席易水生寒相如善病愁對苔石想今夜明月揚州定流影烏衣巷邊宅多少砌蛩幽韻似天涯岑寂應爲屬空江雁字細寫成望遠消息早是高館疎燈夢殘烟白

水龍吟 蘆花

冷雲飛過江南萬聲秋漾花心瘦殘莖乍吐荒洲難折夕陽時候記得當初叢長絮弱雨前風後甚青春誤了白頭容易霜催也驚重九應念詩人望久到淒淒溯洄還又平沙墮影遠波傳信斷鴻知否送客淪陽吹笳夔府月明依舊想迴汀古渡舟橫雪舞見垂綸叟

又 秋雁

遠風吹影橫斜岸沙飄蕩烟無際隨陽前事來賓如約去程應記爲報年年塞門霜信江南雲水想遙天正迴稻梁何戀憑誰識迴翔意多少淒清滋味傍蘆中月搖花碎平生倦旅人間憎繳那堪輕試一字秋心一行秋侶欲休還起望衡陽甚處哀音彷彿在鳴箏裏

月下笛 秋笛

怪底湖邊蒼龍睡醒素秋吹霽危樓靜倚乍悠揚數  
聲墜宵來已落霜前月又却向關山喚起正官橋衰  
柳爭禁更折誤人凝睇雲際淒涼意便律呂相和  
斷腸難寄人間萬里爲誰含怨如此那堪三弄新翻  
就恰送入西風倦耳想塞上奏涼州多少征人夢裏  
齊天樂題史忠正公遺像冊子按公像及復我

朝審親王書殉節時別母書蔣心餘  
編修購自書肆彭少司農奏進得旨  
於梅花嶺刻石史氏之族有鴻義者復  
鉅於木以廣其傳誠盛事也

廣陵江上啼鵲過風吹遠音還咽搦本重摹軍書試  
展遺像清高如接滄桑話歇想礮火譙樓舊時毛髮  
化去蟲沙燐飛空照二分月琉璃官廠市晚竭來  
詞客手曾獻金闕寸草心孤春燈恨鎖留得愁顏千  
疊招魂句絕任袍笏銷沈畫圖淒切故嶺梅花送香  
深夜雪

疎影題王樓村先生十三本梅花書屋圖先是  
圖已失去先生曾孫嵩高購而藏之有諸  
公續題卷子嵩高以是卷缺填詞一體致  
書屬余爲賦此解